

Código	Centro	Concello
15032327	CEE O Pedroso	Santiago de Compostela
27014057	CEE Santa María	Lugo
27015360	CEE Infanta Elena	Monforte de Lemos
32015463	CEE Miño	Ourense
32015529	CEE O Pino	Ourense
36024756	CEE de Panxón	Nigrán
36007230	CEE do Vao	Poio
36010733	CEE Saladino Cortizo	Vigo
36016772	CEE de Vilagarcía de Arousa	Vilagarcía de Arousa
27011615	CEE Centro Santo Anxo	Rábade

### ANEXO III

#### Unidades específicas de EE

Código	Centro	Concello
15026731	IES Campo de San Alberto	Noia
15015238	CEIP Barrié de la Maza	Santa Comba
27006383	CEIP A Ponte	Lugo
32015116	CEIP Condasa de Fenosa	O Barco de Valdeorras
36016051	CEIP Seis do Nadal	Vigo

### ANEXO IV

#### Centros penitenciarios

Localidade	Código centro	Nome
A Coruña	15032399	Epa Teixeiro
Lugo	27016248	Epa Monterroso
Outeiro de Rei	27020811	Epa de Bonxe
Ourense	32020771	Epa O Pereiro de Aguiar
Pontevedra	36010872	Epa A Lama

## III. OUTRAS DISPOSICIÓNS

### CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

*Resolución do 20 de outubro de 2010, da Secretaría Xeral de Modernización e Innovación Tecnolóxica, pola que se amplía o prazo de presentación da documentación xustificativa establecido na Resolución do 15 de xuño de 2010 pola que se convocan as subvencións destinadas a entidades sen ánimo de lucro, para actuacións de difusión da Sociedade da Información na Comunidade Autónoma de Galicia, cofinanciadas polo Fondo Europeo de Desenvolvemento Rexional (Feder) e polo Plan Avanza, e se procede á súa convocatoria para 2010 (procedemento administrativo PR521A).*

O día 30 de xuño de 2010 publicouse no *Diario Oficial de Galicia* a Resolución do 15 de xuño pola que se establecen as bases reguladoras para a concesión, en réxime de concorrencia competitiva, das subvencións destinadas a entidades sen ánimo de lucro, para

actuacións de difusión relacionadas co desenvolvemento da Sociedade da Información na Comunidade Autónoma de Galicia, cofinanciadas polo Fondo Europeo de Desenvolvemento Rexional (Feder) e polo Plan Avanza, e se procede á súa convocatoria para 2010 (procedemento administrativo PR521A).

Nos artigos 2.1º e 18.1º das bases reguladoras da Resolución do 15 de xuño de 2010 establécese que os beneficiarios terán de prazo para executaren os proxectos e presentaren a documentación xustificativa ata o 12 de novembro de 2010. Tendo en conta que o elevado número de solicitudes presentadas motivou un dilatado proceso de avaliación dos proxectos e resolucións dos respectivos expedientes co fin de garantir a maior eficacia posible das referidas subvencións, e dado que non se causa prexuízo a terceiros, considérase necesario ampliar o prazo de xustificación.

De acordo co anterior, vista a Lei 9/2007, do 13 de xuño, de subvencións de Galicia, e o Decreto 11/2009, do 8 de xaneiro, polo que se aproba o seu regulamento,

#### DISPOÑO:

Artigo único.-Amplíase ata o 30 de novembro (inclusive) o prazo para a execución e xustificación dos investimentos que foron obxecto de subvención, ao abeiro da citada Resolución do 15 de xuño de 2010 para actuacións de difusión relacionadas co desenvolvemento da Sociedade da Información na Comunidade Autónoma de Galicia.

Santiago de Compostela, 20 de outubro de 2010.

Mª del Mar Pereira Álvarez  
Secretaria xeral de Modernización e Innovación  
Tecnolóxica

### CONSELLERÍA DE MEDIO AMBIENTE, TERRITORIO E INFRAESTRUTURAS

*Orde do 15 de outubro de 2010 sobre a aprobación definitiva do Plan Xeral de Ordenación Municipal do Concello de Valga (Pontevedra).*

O Concello de Valga eleva, para a súa aprobación definitiva, o expediente do Plan Xeral de Ordenación Municipal, de conformidade co previsto no artigo 85.5º da Lei 9/2002, do 30 de decembro, de ordenación urbanística e protección do medio rural de Galicia.

#### I. Antecedentes.

I.1. Mediante Orde do 25 de maio de 2010, e de conformidade co artigo 85.5º b) da Lei 9/2002, do 30 de decembro, de ordenación urbanística e protec-

ción do medio rural de Galicia, a Consellería de Medio Ambiente, Territorio e Infraestruturas ditou orde en que resolvía non outorgar a aprobación definitiva ao Plan Xeral de Ordenación Municipal do Concello de Valga, instando á elaboración dos documentos corrixidos precisos para emendar as deficiencias sinaladas no corpo da orde e a eleválos novamente, logo dos trámites oportunos, á consellería para a súa aprobación definitiva.

I.2. O Concello de Valga adoptou acordo de aprobación provisional do PXOM corrixido na sesión plenaria do 24 de agosto de 2010, tras a emisión de informes dos servizos técnico e xurídico municipais o 23-8-2010.

I.3. Con data do 26-8-2010 ten entrada nesta consellería, a nova documentación relativa ao Plan Xeral de Ordenación Municipal de Valga, en solicitude de resolución sobre a súa aprobación definitiva.

## II. Informe.

Visto o documento do Plan Xeral de Ordenación Municipal identificado con data de agosto de 2010, examinado o seu propio contido, e as modificacións introducidas respecto do documento que foi obxecto de resolución pola anterior orde da CMATI do 25-5-2010.

E vista a proposta literal que nesta mesma data eleva a Secretaría Xeral de Ordenación do Territorio e Urbanismo, pode considerarse que o novo documento agora remitido cumpre as observacións formuladas na anterior orde autonómica do 25 de maio pasado.

En todo caso, cómpre deixar constancia expresa de que os terreos situados na zona de afección da liña eléctrica que atravesa o sector de solo urbanizable S-107 POL 01 terán a consideración de solos rústicos de protección de infraestruturas, segundo o establecido no artigo 32.2º c) da LOUG, relacionado co artigo 32.4º; agás que o plan parcial que o desenvolve determine o seu soterramento.

De conformidade co artigo 89 e 93.4º da LOUG, e artigo 1 do Decreto 316/2009, do 4 de xuño, polo que se establece a estrutura orgánica da CMATI, a competencia para resolver sobre a aprobación definitiva dos plans xerais de ordenación municipal correspóndelle ao conselleiro de Medio Ambiente, Territorio e Infraestruturas.

## III. Resolución.

Con base en todo o anteriormente exposto,

### RESOLVO:

1. Outorgar a aprobación definitiva ao Plan Xeral de Ordenación Municipal do Concello de Valga (Pontevedra) de acordo co previsto no punto 5.a) do artigo 85 da Lei 9/2002, do 30 de decembro, de ordenación urbanística e protección do medio rural de Galicia.

2. De conformidade co disposto polos artigos 92 da Lei 9/2002 e 70 da Lei 7/1985, do 2 de abril, reguladora das bases de réxime local, o concello deberá publicar no BOP a normativa e ordenanzas do plan aprobado definitivamente.

3. Notifíquese esta orde ao concello e publíquese no *Diario Oficial de Galicia*.

Contra esta orde cabe interpoñer recurso contencioso-administrativo ante a sala correspondente do Tribunal Superior de Xustiza de Galicia, no prazo de dous meses, que se contarán desde o día seguinte ao da súa publicación, segundo dispoñen os artigos 10 e 46 da Lei 29/1998, do 13 de xullo, reguladora da xurisdición contencioso-administrativa.

Santiago de Compostela, 15 de outubro de 2010.

Agustín Hernández Fernández de Rojas  
Conselleiro de Medio Ambiente, Territorio  
e Infraestruturas

*Orde do 20 de outubro de 2010 pola que se modifica o artigo 15 a) das ordes do 20 de abril e do 28 de decembro de 2007 polas que se regulaba a concesión de subvencións aos concellos de Galicia para a redacción de instrumentos de planeamento urbanístico durante os anos 2007 e 2008 respectivamente.*

Por medio das ordes de subvencións do 20 de abril de 2007 (DOG nº 79, do 24 de abril) e do 28 de decembro de 2007 (DOG nº 8, do 11 de xaneiro de 2008) establecéronse as bases reguladoras da concesión de subvencións aos concellos de Galicia para a redacción de instrumentos de planeamento urbanístico durante os anos 2007 e 2008 respectivamente.

O artigo 15 destas ordes establece os aboamentos parciais das axudas concedidas en función dunhas previsións temporais que se corresponden co cumprimento dos trámites necesarios para a redacción do planeamento de que se trate. En concreto, o artigo 15 a) establece, para o Plan Xeral de Ordenación Municipal, o 2º aboamento parcial unha vez emitido, por esta consellería, o informe preceptivo, previo á aprobación inicial do plan, e sempre que non sexa desfavorable.

De xeito similar, a Orde do 2 de marzo de 2010 establece as bases que regulan en 2010 a convocatoria e a concesión das subvencións para a redacción de instrumentos de planeamento. Neste caso, existe unha diferenza con respecto aos criterios utilizados nas dúas ordes precedentes, xa que, segundo o artigo 15 a) desta orde, a segunda fase dos traballos de redacción do plan xeral, considérase cumprida logo da remisión do expediente completo do plan á Consellería de Medio Ambiente, Territorio e Infraestruturas para a emisión do informe previo á aprobación inicial.